

續耀州志

20
一
函
二
冊
函

書院田租記

文正書院在州治西即布政分司遺址也乾隆
丁丑前牧侯君創建太守上元王公為之記時
規模甫就延師課士之典闕焉歲已卯余奉
簡命來守是邦蒞任後即與諸紳士有捐田治藝之
約而土瘠民貧圖始為難乃先引俸倡輸開館
督課文風浸浸盛已越四載壬午得郡之好義
者若而人出貲七百有奇余議暫行生息徐圖
置產請于

上官咸曰是義事也宜亟成之乃更於院之西北

隅增築三楹命弟子肄習其中余簿書之暇輒
往而程功焉甲申春始集紳士圖成前議不敷
者佐以俸薪經孝廉劉君等購田募佃歲可取
租一百四十餘金館師修脯于是乎出詳明原
末猥蒙

上憲獎勵殊慙逾分顧諸生膏火尚屬未備思再
行勸輸以拓前規第慮前者不傳後者奚考且
歲月久稽吏胥之侵漁業戶之欺隱有莫可寔
詰者爰取地畝租數繪圖詳註俾後有振興文
教者可觀覽焉惟願後之君子有舉勿廢無

原书缺页

原书缺页

劾圖子寶坻知縣淑抃贓私鉅萬且謂國素疾三才圖爲求解國怒詈之遂欲以拾遺去國圖兄弟抗章力辨忌者復僞爲淑抃劾國疏播之卽抄圖上疏言狀帝爲下詔購捕乃已及考察卒汪賓尹不謹視其官明時乃被黜由是其黨大譟秦聚奎朱一桂輩連章攻國圖亦連章求去九閱月始予告歸國亦乞休去四十五年京察當事者多賓尹紹徽黨以拾遺落國職天啟三年召起故官進禮部尚書協理詹事府明年魏忠賢黨劉弘先劾圖遂削籍尋卒崇正初贈太子太保謚文肅子淑抃

萬歷進士授寶坻令民有去思碑官至戶部郎中

明史
列傳

廉能

明季

喬世寧字景叔仲節子嘉靖戊戌進士授南京戶部主事以僉事按川南時行郡縣獎良罰惡陞湖廣督學所擢拔無愧顏庚戌爲河南叅政有詔募兵河南世寧部署嚴整時裁損供費諸應募惡少多道亡且擄掠獨大梁士卒無一不法者尋督餉小灘小灘商賈閉糴轉餉無由輸官因卽其直以

爲利世寧令轉餉者分糴旁邑奸商失利而民甚

便之擢四川按察使以憂歸卒

省志

王邦憲字後泉祥符令王志五世孫嘉靖庚子舉人初授徐溝令政聲茂著陞萊州府通判除舊守魚戶之私去劉瑾蜡稅之苦萊人頌德憲文章氣節關輔稱美子孫爲紳士者三十餘人而國圖尤

著年八十四卒

省志

左思明原名思聰字季臣綸子嘉靖己酉舉人任

永城令值巨浸城中水無所洩邑以南地更窪不能播種北則水決成河行者多隔礙思明繕城郭

通溝洫增郵舍橋道王弇州以臬長自吳適晉抵
永城稱其事舉而民不勞庶幾乎有爲者又阻懷
慶移糧歲省三千金墾荒田二千餘頃申歸厥地
數百頃捐俸易高阜地以拯溺成十數村改驛治
於城外立義倉置學田建書院皆卓卓也陞河南
通判主國賦時徵派紛襍思明倡爲一條鞭各省
效之尋擢知趙州未任卒

左氏家
乘刊本

左熙字夏伯思忠子嘉靖乙丑進士授汲縣令邑
當衝疲於供億熙節浮費不隨時尚民大寬息積
倉粟五千餘石遷戶部主事權稅河西得餘銀千

二百兩盡輸之部尋調兵部員外陞郎中從少司
馬汪出按薊遼邊事既竣疏薦擬之方叔賈生陞
山西布政司叅議兼僉事備兵雲中布宣恩信上
下晏然以憂歸爲忌者傷奪爵一級補官四川按
察司僉事分巡川南會採大木入山感瘴癘力疾
督辦且完叙功最以老致仕

喬因阜
撰墓志

文養浩字希孟隆慶庚午舉人授文水令會均賦
浩嚴覈詭寄滑吏無所措手釋無辜寬逋賦招逃
亡如邑民趙同王元祿王福旺等皆瀕死而生者
有大奸爲前吏所不敢問浩如法遣戍民得安堵

以卓異加大同同知俸管嵐縣事嵐多豪右聞風
名相戒勿犯調汾州同知擢守雲南雲南歲貢金
徃徃出納多乾沒浩絲毫無染商銅錫者稅重則
裹足浩輕其稅競輻輳至擢貴州按察副使尋致
政歸

南師仲
撰墓志

左史字文箴思明子萬歷壬子以明經除光州訓
導署遂平固始事皆有異政戊午遷知扶溝吏舞
文作奸史擇小吏謹愿者補吏延他邑老獄吏教
習律令踰月漸次通曉手定爰書吏俯首繕寫
敢仰視民多鬪殺史講習無約用古教化注

月訟獄衰止縣故多盜史設法購斬盜無留跡縣
西北地庫下水潦所聚河溢則助河爲患史疏決
壅積家各占業縣北境接鄢陵尉氏地勢尤下三
縣民互相穿穴史躬自相度總計三縣利病作均
水約刻石水畔三縣共守之楚兵過中州所部累
其擾檄史駐襄城鎮之史遣人入楚籍記其將領
部曲某兵前驅某兵後拒車馬芻牧各有成數乃
按籍定約就次舍時餼糧庀器用兵所至如歸居
人安堵市不改肆視事浹月聲籍甚以勞卒喪西

歸民庶號勸

省志

胡茂萬歷癸卯舉人爲漢中教諭歲饑請尹賑卹弗許自出衣物率士庶以賑全活無算以是忤尹罷歸

省志

左佩玪字栗仲史次子萬歷乙卯舉人沙河令調邢臺考選御史疏蠲積逋以假休息速爵賞以勸軍功寬降罰以鼓士氣軫念沙河邢臺二邑疲病特疏條陳又上馬政屯田諸疏以不合當事謫應天府知事尋擢戶部郎司漕運出守濟南歲凶盜起史東明圍泰安列十二營勢甚猖獗玪討平之上功劄得襲廕以中無與止加陞三級加俸一級

轉山東按察使甲申京師陷玆入關避地
左永圖字綿歷熊子恩貢崇正五年四月授
令時孔賊方圍萊圖馳赴軍前八月賊敗入登
於登南密水山結草爲廬厲兵積粟明年二月賊
頭李九成授首孔耿潛遁登城復圖親督收瘞殘
骸招集流移老幼二萬餘人軍衛灶戶四千餘人
當差徭者九千餘丁發難婦令認領者一千七百
口安插軍士俾無擾民民無歸者爲之結草苫屋
給牛具籽種墾復荒地三十八萬餘畝請寬恤
豪強由是城池倉庫學校等以次舉編保甲設鄉

兵防海口有遼卒倡言作亂人思逃避圖募土著
民兵千餘分守四門已復按劍巡視三日而定棲
霞縣蠶山與萊相錯訛言聚賊數千時議會剿圖
恐指民爲賊殺良冒功請單騎往探繫其土竊二
人以歸棲民安堵擢御史言皆切直如懲貪必清
誨貪之源愛民須拔害民之根等疏切中時弊刻
有疏草傳於時

御門召對紀及
極登事蹟刊本

左佩琰字純叔史三子崇正癸酉舉人爲太平教
諭尋宰合江江俗好佛有誣以邪教者衆窘聚數
萬人匿谿洞中將窺城市當事議請兵焚之

也不一月可了此乃往曲論之衆解體月獻冠
將至瀘州已失守合城駭竄琰獨坐城樓曩解散
衆皆持戈來曰吾慈父母也寇遂遁四隣聞之始
有議拒者調通江途中疾作左右曰寇甚熾盍緩
諸琰曰吾關西男子急行正爲盜耳勉至通江琰
未第時語及天下事則愀然曰恐吾輩當之既而
遊北山求姚秦故居得天活唐王二堡構舍積穀
人誅其迂寇亂賴全者甚衆

省志及曹玉
珂撰墓志

本朝

郭毓秀字書升有宰子耀治甲午舉人襄城教諭

蘭泉學正擢知贛縣會三藩蠢動王師數十萬

屯贛秀酬應立辦時環贛皆盜民多畜髮作從賊

狀而供朝廷賦役如故當路不察概令捕斬之

秀曰若輩皆須臾免死計耳弗殺千總丁廖清乘

亂淫民婦立請斬之一賊獻跡先是贛有八鄉多

被兵燹惟田村與十三鄉稍寧會田村奸人劉定

邦受閩逆僞劄號召數千人督師者欲盡勦之秀

單騎至賊巢呼定邦曰爾吾部民因脅至此今旦

夕勦此鄉若少長何肯從我卽不死定邦伏地流

涕率衆降撫軍大將軍相顧錯愕卽日撤田村兵